

**D.R. 26/97**

**Naskhah Sahih—Bahasa Kebangsaan**

**RANG UNDANG-UNDANG  
PEMBANGUNAN SUKAN 1997**

---

**SUSUNAN FASAL**

---

**BAHAGIAN I**

**PERMULAAN**

Fasal

1. Tajuk ringkas, pemakaian dan mula berkuatkuasa.
2. Tafsiran.

**BAHAGIAN II**

**PEMBANGUNAN SUKAN**

3. Garis panduan berhubung dengan pembangunan sukan.
4. Persatuan, dll. hendaklah berunding dan menyelaras dengan Menteri.
5. Kementerian Kerajaan yang lain, dll. hendaklah berunding dengan Menteri.
6. Badan penyelaras.
7. Pembangunan sains sukan.

**BAHAGIAN III**

**MAJLIS OLIMPIK MALAYSIA**

8. Jawatankuasa Olimpik Kebangsaan.
9. Pemakaian Akta bagi Majlis Olimpik Malaysia.

*Rang Undang-Undang*

## BAHAGIAN IV

## PENTADBIRAN AKTA

## Fasal

10. Pelantikan Pesuruhjaya, dll.
11. Kuasa Pesuruhjaya untuk mendaftarkan badan sukan.
12. Kuasa Pesuruhjaya untuk menghendaki pendedahan maklumat.
13. Kuasa tambahan Pesuruhjaya.
14. Arahan oleh Menteri.

## BAHAGIAN V

PENDAFTARAN DAN PENYELIAAN  
BADAN SUKAN

15. Permohonan supaya didaftarkan untuk menjalankan aktiviti.
16. Badan sukan yang didaftarkan di bawah Akta Pertubuhan 1966.
17. Pendaftaran badan sukan.
18. Perakuan pendaftaran.
19. Alasan bagi keengganan untuk mendaftarkan.
20. Pembatalan atau penggantungan pendaftaran oleh Pesuruhjaya.
21. Rayuan.
22. Arahan untuk meneruskan fungsi badan sukan.
23. Prosedur dalaman bagi penyelesaian pertikaian.
24. Perujukan pertikaian kepada Menteri.
25. Akibat keengganan untuk mendaftarkan atau pembatalan atau penggantungan pendaftaran.
26. Peraturan-peraturan berkenaan dengan badan sukan.

## BAHAGIAN VI

## PANEL PENASIHAT SUKAN

27. Penubuhan Panel Penasihat Sukan.
28. Pelantikan anggota Panel Penasihat Sukan.
29. Syor kepada Menteri.
30. Kuasa Panel Penasihat Sukan untuk menghendaki pendedahan maklumat.
31. Tiada tindakan boleh diambil terhadap Panel Penasihat Sukan.
32. Peraturan-peraturan berkenaan dengan Panel Penasihat Sukan.

BAHAGIAN VII

PELBAGAI

Fasal

33. Kelulusan untuk menjadi tuan rumah pertandingan antarabangsa.
34. Penggunaan kaedah dan garis panduan antarabangsa yang diiktiraf untuk pertandingan.
35. Kelulusan Menteri dikehendaki bagi "Sukan Malaysia".
36. Syarikat hendaklah memohon untuk mendapatkan lesen untuk beroperasi.
37. Pindaan Jadual.
38. Peraturan-peraturan.
39. Kesalahan am.
40. Perlindungan bagi orang dilantik, anggota jawatankuasa, dll.
41. Kuasa am Menteri.
42. Peruntukan peralihan.
43. Pencegahan anomali.

JADUAL-JADUAL

## RANG UNDANG-UNDANG

*bernama*

Suatu Akta untuk menggalakkan dan memudahkan pembangunan dan pentadbiran sukan di Malaysia dan untuk memperuntukkan perkara-perkara yang bersampingan dengannya.

[ ]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

## BAHAGIAN I

## PERMULAAN

1. (1) Akta ini bolehlah dinamakan Akta Pembangunan Sukan 1997 dan hendaklah terpakai di seluruh Malaysia. Tajuk ringkas, pemakaian dan mula berkuatkuasa.
- (2) Akta ini hendaklah mula berkuatkuasa pada tarikh atau tarikh-tarikh yang ditetapkan oleh Menteri melalui pemberitahuan dalam *Warta*; dan Menteri boleh menetapkan tarikh yang berlainan bagi mula berkuatkuasanya peruntukan yang berlainan dalam Akta ini dan bagi pemakaian Akta ini bagi bahagian yang berlainan di Malaysia.
2. Dalam Akta ini, melainkan jika konteksnya menghendaki makna yang lain— Tafsiran.

"ahli sukan" ertinya peserta sesuatu sukan, termasuk seorang atlet;

"aktiviti sukan", berhubungan dengan sesuatu sukan, termasuklah—

- (a) penganjuran pertandingan, seminar, klinik atau kursus untuk sesuatu sukan;
- (b) penghantaran peserta ke pertandingan atau acara sukan; dan
- (c) apa-apa aktiviti lain yang bersampingan atau berkaitan dengan sesuatu sukan;

"badan sukan" ertinya sesuatu persatuan, kelab, pertubuhan atau syarikat yang bertindak sebagai badan pengelola atau badan perwakilan suatu sukan di Malaysia sama ada di peringkat daerah, Negeri atau kebangsaan, sama ada atau tidak persatuan, kelab, pertubuhan atau syarikat itu hanyalah anggota gabungan bagi persatuan, kelab, pertubuhan atau syarikat yang lain;

"lesen" ertinya lesen yang dikeluarkan oleh Pesuruhjaya di bawah seksyen 36;

Akta 29. "Majlis Sukan Negara" ertinya Majlis Sukan Negara Malaysia yang ditubuhkan di bawah Akta Majlis Sukan Negara Malaysia 1971;

"Menteri" ertinya Menteri yang dipertanggungjawabkan dengan tanggungjawab bagi sukan;

"Negeri" termasuklah Wilayah-Wilayah Persekutuan Malaysia;

"Panel Penasihat Sukan" ertinya panel yang ditubuhkan di bawah seksyen 27;

"pemegang jawatan", berhubungan dengan suatu badan sukan, termasuklah—

- (a) anggota mana-mana jawatankuasa kecil atau badan lain yang ditubuhkan atau dibentuk oleh badan pengelola suatu badan sukan, atau oleh badan pengelola cawangan badan sukan itu;

- (b) mana-mana orang yang bertanggungjawab sehingga apa-apa takat bagi pengurusan apa-apa urusan, atau perjalanan apa-apa aktiviti, suatu badan sukan atau mana-mana cawangan badan sukan itu; dan
- (c) mana-mana orang yang dilantik atau dibenarkan untuk mewakili, atau untuk bertindak bagi pihak, suatu badan sukan atau mana-mana cawangan badan sukan itu, dalam apa-apa perkara, selain daripada orang yang diambil kerja oleh badan sukan itu untuk mewakili, atau bertindak bagi pihak, badan sukan itu atau mana-mana cawangan badan sukan itu atas sifat profesionalnya atau melalui perkiraan kontrak;

"perakuan" ertinya perakuan pendaftaran yang dikeluarkan di bawah seksyen 18;

"Pesuruhjaya" ertinya Pesuruhjaya Sukan yang dilantik di bawah seksyen 10 dan termasuklah seorang Pesuruhjaya Sukan Rantau, Timbalan Pesuruhjaya Sukan atau Penolong Pesuruhjaya Sukan;

"sukan" ertinya mana-mana aktiviti yang disenaraikan dalam Jadual Pertama;

"syarikat" mempunyai erti yang sama seperti yang diberikan kepada ungkapan itu dalam Akta Syarikat 1965 Akta 125. dan termasuklah "perbadanan" sebagaimana yang ditakrifkan dalam Akta itu.

## BAHAGIAN II

### PEMBANGUNAN SUKAN

**3. (1)** Tertakluk kepada subseksyen (2), Menteri adalah bertanggungjawab bagi mengadakan atau mengeluarkan garis panduan berhubung dengan pembangunan sukan termasuk rancangan pembangunan jangka panjang bagi ahli sukan, jurulatih dan pentadbir dan pegawai sukan pada semua peringkat.

Garis panduan berhubung dengan pembangunan sukan.

(2) Menteri tidak boleh mengadakan atau mengeluarkan apa-apa garis panduan di bawah subseksyen (1) jika sudah ada garis panduan atau kaedah antarabangsa tentang perkara yang sama.

Persatuan,  
dll.  
hendaklah  
berunding  
dan  
menyelaras  
dengan  
Menteri.

**4.** Semua persatuan, agensi atau badan yang terlibat dalam sukan hendaklah berunding dan menyelaras dengan Menteri berhubung dengan apa-apa perkara sukan sebagaimana yang ditetapkan oleh Menteri dalam peraturan-peraturan.

Kementerian  
Kerajaan  
yang lain,  
dll.  
hendaklah  
berunding  
dengan  
Menteri.

**5.** (1) Tertakluk kepada subseksyen (2), tiap-tiap Kementerian Kerajaan atau badan kerajaan yang lain di peringkat Persekutuan, Negeri atau tempatan boleh menjalankan aktiviti sukan atau aktiviti yang berhubung dengan pendidikan jasmani atau sukan, termasuk pembangunan kualiti kepimpinan dalam pendidikan jasmani dan sukan.

(2) Menteri boleh, melalui pemberitahuan bertulis, menghendaki sesuatu Kementerian Kerajaan atau badan kerajaan yang disebut dalam subseksyen (1) supaya berunding dan menyelaras dengannya berhubung dengan aktiviti yang disebut dalam subseksyen itu.

(3) Dalam seksyen ini, "Kementerian" tidak termasuk Kementerian Belia dan Sukan.

Badan  
penyelaras.  
*Akta 29.*

**6.** Menurut peranannya sebagaimana yang diperuntukkan dalam Akta Majlis Sukan Negara Malaysia 1971, Majlis Sukan Negara hendaklah menjadi badan penyelaras menyeluruh bagi semua badan sukan untuk menggalakkan dan membangunkan sukan di Malaysia.

Pembangunan  
sains sukan.

**7.** Menteri boleh, ke arah membangunkan sukan, mengambil segala tindakan yang perlu untuk menggalakkan pembangunan sains sukan di institusi pendidikan tinggi di Malaysia dan bagi maksud ini boleh memberikan segala bantuan yang difikirkannya perlu.

BAHAGIAN III

MAJLIS OLIMPIK MALAYSIA

**8.** (1) Majlis Olimpik Malaysia adalah diiktiraf sebagai Jawatankuasa Olimpik Kebangsaan bagi Malaysia oleh Jawatankuasa Olimpik Antarabangsa.

(2) Majlis Olimpik Malaysia adalah bertanggungjawab untuk memastikan bahawa penyertaan Malaysia dalam Sukan Olimpik, Sukan Asia, Sukan Komanwel, Sukan Asia Tenggara dan pertandingan olahraga antarabangsa yang lain adalah mengikut kaedah-kaedah dan peraturan-peraturan Jawatankuasa Olimpik Antarabangsa, Majlis Olimpik Asia, Persekutuan Sukan Komanwel, Persekutuan Sukan Asia Tenggara dan badan sukan antarabangsa yang lain yang Majlis Olimpik Malaysia adalah anggota gabungannya.

**9.** Tertakluk kepada Akta ini, peruntukan Akta ini yang terpakai bagi badan sukan adalah sama terpakai bagi Majlis Olimpik Malaysia dan sebutan mengenai "badan sukan" dalam peruntukan itu termasuklah sebutan mengenai Majlis Olimpik Malaysia.

BAHAGIAN IV

PENTADBIRAN AKTA

**10.** Menteri boleh melantik seorang Pesuruhjaya Sukan dan sekian bilangan Pesuruhjaya Rantau, Timbalan Pesuruhjaya dan Penolong Pesuruhjaya Sukan dan pegawai dan pengkhidmat lain yang difikirkannya perlu bagi pentadbiran wajar Akta ini.

**11.** (1) Pesuruhjaya hendaklah mempunyai kuasa yang berikut:

- (a) mendaftarkan atau enggan mendaftarkan—
- (i) mana-mana persatuan, kelab, pertubuhan atau syarikat sebagai badan sukan;
  - (ii) mana-mana badan sukan yang didaftarkan di bawah Akta Pertubuhan 1966;

*Akta 335.*

- (b) mengenakan apa-apa syarat yang difikirkannya patut semasa pendaftaran sesuatu badan sukan; dan
- (c) membatalkan atau menggantung pendaftaran sesuatu badan sukan.

(2) Pesuruhjaya boleh, secara bertulis, mewakili mana-mana kuasanya di bawah subseksyen (1) kepada mana-mana orang atau jawatankuasa yang dibentuk oleh Pesuruhjaya bagi maksud itu dan boleh menetapkan secara bertulis apa-apa prosedur dan peraturan yang difikirkannya perlu bagi penjalanan kuasa yang diwakilkan sedemikian.

Kuasa  
Pesuruhjaya  
untuk  
menghendaki  
pendedahan  
maklumat.

**12.** (1) Pesuruhjaya boleh mengarahkan mana-mana orang supaya mendedahkan apa-apa maklumat kepadanya dan mengemukakan apa-apa laporan dan dokumen dalam pengetahuannya atau dalam miliknya sebagaimana yang difikirkannya perlu bagi maksud penjalanan mana-mana kuasa dan fungsi Pesuruhjaya di bawah Akta ini dan dia boleh selanjutnya mengarahkan mana-mana orang yang difikirkannya perlu supaya hadir di hadapannya untuk membolehkannya menjalankan kuasa dan fungsinya di bawah Akta ini.

(2) Mana-mana orang yang—

- (a) tidak mematuhi arahan Pesuruhjaya di bawah subseksyen (1);
- (b) mendedahkan apa-apa maklumat yang diketahuinya adalah palsu; atau
- (c) mengemukakan suatu laporan atau dokumen yang diketahuinya adalah palsu,

adalah melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi enam bulan atau kedua-duanya.

**13.** Sebagai tambahan kepada kuasa, tugas dan fungsi yang diberikan kepada Pesuruhjaya oleh Akta ini dan apa-apa peraturan yang dibuat di bawahnya, Pesuruhjaya hendaklah mempunyai dan boleh menjalankan segala kuasa, menunaikan segala tugas dan melaksanakan segala fungsi yang perlu bagi maksud menguatkuasakan dan menjalankan peruntukan Akta ini.

Kuasa tambahan Pesuruhjaya.

**14.** (1) Menteri boleh memberi Pesuruhjaya apa-apa arahan yang tidak tak konsisten dengan peruntukan Akta ini tentang penjalanan dan pelaksanaan kuasa dan fungsinya berhubung dengan mana-mana badan sukan dan Pesuruhjaya hendaklah menguatkuasakan apa-apa arahan sedemikian.

Arahan oleh Menteri.

(2) Pesuruhjaya hendaklah memberi Menteri apa-apa maklumat berhubung dengan mana-mana badan sukan sebagaimana yang dikehendaki oleh Menteri dari semasa ke semasa.

## BAHAGIAN V

### PENDAFTARAN DAN PENYELIAAN BADAN SUKAN

**15.** (1) Tiap-tiap badan sukan hendaklah memohon kepada Pesuruhjaya supaya didaftarkan di bawah Akta ini untuk menjalankan apa-apa aktiviti sukan.

Permohonan supaya didaftarkan untuk menjalankan aktiviti.

(2) Tiada badan sukan boleh menjalankan mana-mana aktiviti yang disebut dalam subseksyen 25(1) sehingga dan melainkan jika ia telah didaftarkan di bawah Akta ini.

**16.** Mana-mana badan sukan yang didaftarkan di bawah Akta Pertubuhan 1966 hendaklah, pada tarikh mula berkuatkuasanya Akta ini, terhenti berdaftar di bawah Akta Pertubuhan 1966 dan hendaklah, dalam masa tiga bulan dari tarikh itu, memohon kepada Pesuruhjaya supaya didaftarkan di bawah Akta ini untuk menjalankan apa-apa aktiviti sukan; dan mana-mana badan sukan sedemikian hendaklah terus beroperasi sebagai suatu badan sukan sehingga diberitahu selainnya oleh Pesuruhjaya.

Badan sukan yang didaftarkan di bawah Akta Pertubuhan 1966. Akta 335.

Pendaftaran  
badan sukan.

**17.** Apabila diterima permohonan oleh suatu badan sukan yang disebut dalam seksyen 15 atau 16, Pesuruhjaya boleh—

- (a) mendaftarkan badan sukan itu apabila diterima apa-apa fee yang ditetapkan oleh peraturan-peraturan; atau
- (b) enggan mendaftarkan badan sukan sedemikian,

Perakuan  
pendaftaran.

**18.** (1) Pesuruhjaya, apabila mendaftarkan suatu badan sukan di bawah seksyen 17—

- (a) hendaklah mengeluarkan suatu perakuan pendaftaran dalam bentuk yang ditetapkan kepada badan sukan itu; dan
- (b) boleh mengenakan apa-apa syarat yang difikirkannya patut ke atas badan sukan itu.

(2) Suatu perakuan pendaftaran, melainkan jika dibuktikan telah dibatalkan kemudiannya, hendaklah menjadi keterangan konklusif bagi segala maksud bahawa badan sukan itu telah didaftarkan dengan sewajarnya oleh Pesuruhjaya di bawah Akta ini.

Alasan bagi  
keengganan  
untuk  
mendaftarkan.

**19.** (1) Pesuruhjaya boleh enggan mengeluarkan perakuan pendaftaran kepada suatu badan sukan melainkan jika—

- (a) dia berpuas hati bahawa badan sukan itu ialah organisasi bukan berbentuk politik bagi penggalakan dan pembangunan sukan di Malaysia; atau
- (b) tertakluk kepada subseksyen (2), perlembagaan atau kaedah-kaedah badan sukan itu, kecuali Majlis Olimpik Malaysia, mengandungi peruntukan bagi segala perkara yang dinyatakan dalam Jadual Kedua atau Jadual Ketiga, mengikut mana-mana yang terpakai, atau apa-apa perkara lain yang semunasabahnya dikehendaki oleh Pesuruhjaya.

(2) Jika perkara-perkara yang dinyatakan dalam Jadual Kedua atau Jadual Ketiga, mengikut mana-mana yang terpakai, tidak terkandung dalam perlembagaan atau kaedah-kaedah sesuatu badan sukan yang dahulunya didaftarkan di bawah Akta Pertubuhan 1966, perkara-perkara ini hendaklah bagi maksud perenggan (1)(b) disifatkan telah terkandung dalam perlembagaan atau kaedah-kaedah badan sukan itu; tetapi badan sukan itu hendaklah, tidak lewat daripada enam bulan selepas pendaftarannya, meminda perlembagaan atau kaedah-kaedahnya supaya segala perkara yang dinyatakan dalam Jadual Kedua atau Jadual Ketiga, mengikut mana-mana yang terpakai, diperuntukkan. Akta 335.

**20.** (1) Pesuruhjaya boleh membatalkan atau menggantung pendaftaran sesuatu badan sukan jika Pesuruhjaya berpuas hati bahawa badan sukan itu— Pembatalan atau penggantungan pendaftaran oleh Pesuruhjaya.

- (a) telah didaftarkan akibat daripada suatu fraud atau kesilapan atau salah nyataan dalam apa-apa perkara material;
- (b) telah tidak mematuhi mana-mana syarat yang dikenakan oleh Pesuruhjaya di bawah seksyen 18;
- (c) telah melanggar mana-mana peruntukan Akta ini atau apa-apa peraturan yang dibuat di bawahnya;
- (d) tidak aktif atau bukan lagi entiti yang patut dan wajar didaftarkan untuk mewakili sukannya di dalam mana-mana Negeri atau di Malaysia;
- (e) menghindar pembangunan sukan tertentu itu dan demi kepentingan awam pendaftarannya patut dibatalkan atau digantung;
- (f) tidak meremedikan, atau cuai untuk meremedikan, apa-apa salah amalan, salah laku atau luar aturan di pihak pemegang jawatannya atau anggotanya dalam tempoh yang ditentukan dalam notis bertulis yang diberikan oleh Pesuruhjaya; atau

- (g) tidak aktif, tidak bekerjasama, atau menjadi penghalang, dalam pelaksanaan peraturan, polisi atau garis panduan yang dibuat di bawah atau menurut kuasa-kuasa di bawah Akta ini.

(2) Sebelum membatalkan atau menggantung pendaftaran sesuatu badan sukan di bawah subseksyen (1), Pesuruhjaya hendaklah memberi badan sukan itu peluang untuk mengemukakan sebab, jika ada, menentang pembatalan atau penggantung yang dicadangkan itu.

Rayuan.

**21.** (1) Mana-mana badan sukan yang terkilan dengan keputusan Pesuruhjaya—

- (a) untuk enggan mendaftarkan badan sukan itu;
- (b) untuk mengenakan syarat-syarat ke atas pendaftaran badan sukan itu; atau
- (c) untuk membatalkan atau menggantung pendaftaran badan sukan itu,

boleh, dalam tempoh tiga puluh hari dari tarikh pemberitahuan keputusan Pesuruhjaya itu, merayu kepada Menteri dan keputusan Menteri tentang rayuan itu adalah muktamad.

(2) Sebelum membuat apa-apa keputusan di bawah subseksyen (1), Menteri boleh merujuk perkara itu kepada Panel Penasihat Sukan.

Arahan untuk meneruskan fungsi badan sukan.

**22.** Menteri boleh, sementara menunggu keputusannya tentang rayuan di bawah subseksyen 21(1), memberikan apa-apa arahan untuk membolehkan badan sukan itu meneruskan fungsinya dan boleh melantik suatu jawatankuasa *ad hoc* untuk menguruskan hal-ehwal badan sukan itu bagi suatu tempoh yang tidak melebihi dua belas bulan.

Prosedur dalaman bagi penyelesaian pertikaian.

**23.** Tiap-tiap badan sukan hendaklah menyelesaikan apa-apa pertikaian yang timbul di kalangan anggotanya atau dengan jawatankuasa atau badan pengelolanya mengikut prosedur dalaman yang ditetapkan dalam peraturan-peraturan.

**24.** (1) Jika sesuatu pertikaian tidak dapat diselesaikan di bawah prosedur dalaman yang disebut dalam subseksyen 23(1), maka mana-mana anggota yang terkilan atau badan sukan itu sendiri boleh merujuk pertikaian itu kepada Menteri untuk penyelesaian.

Perujukan pertikaian kepada Menteri.

(2) Menteri boleh, atas nasihat Pesuruhjaya dan pada bila-bila masa difikirkannya perlu dan suaimanfaat, menghendaki mana-mana badan sukan supaya merujuk apa-apa pertikaian kepadanya untuk penyelesaian walaupun pertikaian itu tidak dirujuk kepadanya di bawah subseksyen (1).

(3) Keputusan Menteri di bawah seksyen ini adalah muktamad; tetapi Menteri boleh mendapatkan pendapat Panel Penasihat Sukan atau mana-mana jawatankuasa yang lain yang ditubuhkan oleh Menteri bagi maksud itu sebelum membuat keputusannya.

**25.** (1) Apabila Pesuruhjaya enggan mendaftarkan mana-mana badan sukan di bawah seksyen 17 atau apabila pendaftaran mana-mana badan sukan dibatalkan atau digantung di bawah Akta ini, maka peruntukan yang berikut adalah terpakai:

Akibat keengganan untuk mendaftarkan atau pembatalan atau penggantungan pendaftaran.

- (a) badan sukan itu tidak boleh menganjurkan, menjalankan, membenarkan atau menyertai apa-apa aktiviti, termasuk pertandingan, acara atau forum yang sedang berlangsung bagi mana-mana sukan, sama ada di dalam atau di luar Malaysia;
- (b) badan sukan itu tidak boleh menerima atau terus menerima bantuan kewangan daripada Kerajaan, Majlis Sukan Negara atau mana-mana badan berkanun;
- (c) badan sukan itu tidak boleh menjadi anggota mana-mana badan atau organisasi yang bertindak sebagai atau berupa bertindak sebagai badan pengelola mana-mana sukan di Malaysia atau mewakili atau berupa mewakili peserta mana-mana sukan di Malaysia;

- (d) badan sukan itu tidak boleh menggunakan ungkapan "Malaysia" bagi mana-mana aktivitinya, atau apa-apa bentuk huruf atau tanda yang menunjukkan bahawa aktivitinya adalah dijalankan untuk, atas nama atau bagi pihak, Malaysia atau mana-mana bahagian Malaysia; dan
- (e) badan sukan itu tidak boleh menganjurkan, menyertai atau menghantar peserta ke mana-mana pertandingan atau acara sukan dengan menunjukkan bahawa usahanya itu adalah untuk, atas nama atau bagi pihak, Malaysia atau mana-mana bahagian Malaysia, di dalam atau di luar Malaysia.

(2) Mana-mana pemegang jawatan yang melanggar subseksyen (1) adalah melakukan suatu kesalahan dan apabila disabitkan boleh didenda tidak melebihi lima ribu ringgit dan dalam hal kesalahan yang berterusan, boleh didenda tidak melebihi lima ratus ringgit sehari bagi setiap hari yang kesalahan itu diteruskan.

(3) Pesuruhjaya boleh, secara bertulis, menggantung kuatkuasa subseksyen (1) berhubung dengan mana-mana badan sukan sehingga apa-apa takat dan selama apa-apa tempoh yang difikirkannya patut.

Peraturan-peraturan berkenaan dengan badan sukan.

**26.** Menteri boleh membuat apa-apa peraturan yang perlu berkenaan dengan badan sukan dan khususnya dan tanpa menjejaskan keluasan yang terdahulu, Menteri boleh membuat peraturan-peraturan untuk menetapkan—

- (a) prosedur bagi permohonan untuk pendaftaran dan pendaftaran badan sukan dan fee yang akan dikenakan bagi pendaftaran itu;
- (b) tugas, kuasa dan fungsi badan sukan;
- (c) prosedur bagi rayuan oleh badan sukan dan fee yang akan dikenakan baginya;
- (d) prosedur bagi pelantikan jurulatih, referi, pengadil dan hakim oleh badan sukan;

- (e) segala perkara berkaitan dengan pembubaran badan sukan dan pembatalan pendaftaran badan sukan; dan
- (f) kehilangan kelayakan pemegang jawatan badan sukan dalam hal keadaan tertentu.

## BAHAGIAN VI

### PANEL PENASIHAT SUKAN

**27.** Maka hendaklah ditubuhkan suatu panel yang hendaklah dikenali sebagai "Panel Penasihat Sukan" untuk menasihati Menteri tentang semua perkara yang dirujuk kepadanya oleh Menteri dan untuk menjalankan apa-apa fungsi yang ditetapkan oleh Menteri supaya dijalankan olehnya di bawah Akta ini.

Penubuhan  
Panel  
Penasihat  
Sukan.

**28.** (1) Panel Penasihat Sukan hendaklah terdiri daripada anggota yang berikut yang hendaklah dilantik oleh Menteri:

Pelantikan  
anggota  
Panel  
Penasihat  
Sukan.

(a) seorang Pengerusi; dan

(b) tidak lebih daripada lapan orang anggota lain, dua daripadanya hendaklah daripada calon yang dinamakan oleh Majlis Olimpik Malaysia.

(2) Pengerusi dan anggota Panel Penasihat Sukan hendaklah memegang jawatan bagi suatu tempoh yang tidak melebihi dua tahun dan adalah layak dilantik semula.

(3) Menteri hendaklah menentukan saraan dan terma-terma dan syarat-syarat lain bagi Pengerusi dan anggota Panel Penasihat Sukan.

(4) Menteri boleh mengisytiharkan jawatan Pengerusi atau mana-mana anggota Panel Penasihat Sukan sebagai kosong atas alasan bahawa dia didapati tak layak untuk terus memegang jawatannya atau tidak dapat melaksanakan tugas-tugas jawatannya.

(5) Pengerusi atau mana-mana anggota Panel Penasihat Sukan boleh meletakkan jawatannya pada bila-bila masa dengan memberikan notis bertulis kepada Menteri.

(6) Pada mana-mana prosiding Panel Penasihat Sukan, kuorum hendaklah terdiri daripada lima anggota, termasuk Pengerusi, dan jika Pengerusi tiada, mana-mana anggota yang hadir pada prosiding itu bolehlah dilantik sebagai Pengerusi oleh anggota lain yang hadir.

Syor kepada Menteri.

**29.** Panel Penasihat Sukan, setelah mengadakan apa-apa siasatan yang difikirkannya perlu, hendaklah membuat apa-apa syor kepada Menteri berhubung dengan apa-apa perkara yang dirujuk kepada Menteri di bawah Akta ini.

Kuasa Panel Penasihat Sukan untuk menghendaki pendedahan maklumat.

**30.** (1) Panel Penasihat Sukan boleh mengarahkan mana-mana orang supaya mendedahkan apa-apa maklumat kepada Panel dan mengemukakan apa-apa laporan dan dokumen dalam pengetahuannya atau dalam miliknya sebagaimana yang difikirkan perlu bagi maksud penjalanan mana-mana kuasa dan fungsinya di bawah Akta ini dan Panel boleh selanjutnya mengarahkan mana-mana orang yang difikirkannya perlu supaya hadir di hadapannya untuk membolehkannya menjalankan tugas dan fungsinya di bawah Akta ini.

(2) Mana-mana orang yang—

- (a) tidak mematuhi arahan Panel Penasihat Sukan di bawah subseksyen (1);
- (b) mendedahkan apa-apa maklumat yang diketahuinya adalah palsu; atau
- (c) mengemukakan laporan atau dokumen yang diketahuinya adalah palsu,

adalah melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi enam bulan atau kedua-duanya.

Tiada tindakan boleh diambil terhadap Panel Penasihat Sukan.

**31.** Tiada tindakan atau prosiding undang-undang yang lain boleh diambil terhadap mana-mana anggota Panel Penasihat Sukan kerana apa-apa jua yang dilakukan atau ditinggalkan daripada dilakukan dengan suci hati berkaitan dengan penjalanan tugas dan fungsi Panel Penasihat Sukan di bawah Akta ini.

**32.** Menteri boleh membuat apa-apa peraturan yang perlu berkenaan dengan Panel Penasihat Sukan dan khususnya dan tanpa menjejaskan keluasan yang terdahulu, Menteri boleh membuat peraturan-peraturan—

Peraturan-peraturan berkenaan dengan Panel Penasihat Sukan.

- (a) untuk menetapkan prosedur yang hendaklah dipakai oleh Panel Penasihat Sukan dalam menguruskan apa-apa perkara yang dirujuk kepada di bawah Akta ini dan rekod-rekod yang hendaklah disimpan olehnya;
- (b) untuk menetapkan cara yang Panel Penasihat Sukan akan dimulakan dan tempat di mana Panel Penasihat Sukan akan bersidang;
- (c) secara amnya bagi perjalanan yang lebih baik akan tugas dan fungsi Panel Penasihat Sukan di bawah Akta ini.

## BAHAGIAN VII

### PELBAGAI

**33.** Tiada seorang pun boleh membuat tawaran untuk menjadi tuan rumah bagi apa-apa pertandingan atau acara sukan antarabangsa di Malaysia tanpa kelulusan bertulis Menteri terlebih dahulu dan keputusan Menteri tentangnya adalah muktamad.

Kelulusan untuk menjadi tuan rumah pertandingan antarabangsa.

**34.** Sesuatu badan sukan hendaklah memastikan bahawa semua pertandingan dan acara sukan yang dibenarkan, dijalankan atau disertai olehnya serta pertandingan dan acara sukan yang diadakan di bawah naungannya, adalah mengikut kaedah dan garis panduan yang diiktiraf oleh semua badan pengelola dan pengawalseliaan bagi sukannya dalam semua perkara, termasuk standard dan kelayakan semua peserta dan pegawai serta langkah kesihatan dan keselamatan bagi peserta, pegawai dan penonton di pertandingan atau acara itu.

Penggunaan kaedah dan garis panduan antarabangsa yang diiktiraf untuk pertandingan.

Kelulusan Menteri dikehendaki bagi "Sukan Malaysia".

**35.** Seseorang tidak boleh, tanpa kelulusan bertulis Menteri terlebih dahulu, menganjurkan atau menjalankan apa-apa pertandingan atau acara yang melibatkan apa-apa sukan dengan menggunakan nama "Sukan Malaysia" atau mana-mana terbitan atau variasi nama sedemikian.

Syarikat hendaklah memohon untuk mendapatkan lesen untuk beroperasi.

**36.** (1) Sesuatu syarikat tidak boleh terlibat dalam apa-apa aktiviti sukan atau dalam apa-apa aktiviti lain yang berkaitan dengan sukan, yang ditetapkan oleh Menteri dalam peraturan-peraturan, melainkan jika ia dilesenkan untuk berbuat demikian oleh Pesuruhjaya.

(2) Lesen yang disebut dalam subseksyen (1) boleh dikenakan fee dan apa-apa syarat yang difikirkan oleh Pesuruhjaya patut dikenakan.

(3) Pesuruhjaya boleh, apabila berpuas hati bahawa ada alasan yang munasabah untuk berbuat sedemikian, membatalkan lesen yang dikeluarkan kepada suatu syarikat di bawah seksyen ini setelah memberi syarikat itu peluang untuk membuat representasi kepadanya.

Pindaan Jadual.

**37.** Menteri boleh, melalui perintah, menambah kepada, memotong daripada atau selainnya meminda Jadual sebagaimana yang difikirkannya perlu bagi maksud menguatkuasakan atau melaksanakan peruntukan Akta ini.

Peraturan-peraturan.

**38.** (1) Menteri boleh membuat apa-apa peraturan yang suaimanfaat atau perlu bagi maksud menguatkuasakan atau melaksanakan peruntukan Akta ini.

(2) Secara khususnya, tanpa menjejaskan keluasan kuasa yang diberikan oleh subseksyen (1), Menteri boleh membuat peraturan-peraturan bagi atau berkenaan dengan semua atau mana-mana perkara yang berikut:

- (a) borang yang hendaklah digunakan dan syarat-syarat yang hendaklah dipatuhi dalam memohon untuk didaftarkan atau dilesenkan di bawah Akta ini;
- (b) maklumat yang kena diberikan kepada Pesuruhjaya;

- (c) standard, spesifikasi dan kehendak teknikal bagi semua kemudahan sukan di Malaysia;
- (d) prosedur dalaman bagi penyelesaian pertikaian dalam badan sukan;
- (e) garis panduan bagi pengeluaran lesen kepada sesuatu syarikat; dan
- (f) menetapkan apa-apa jua yang boleh ditetapkan di bawah Akta ini.

(3) Mana-mana peraturan yang dibuat di bawah seksyen ini atau seksyen 26 boleh memperuntukkan bahawa apa-apa pelanggarannya adalah suatu kesalahan dan boleh memperuntukkan pengenaan denda tidak melebihi lima ribu ringgit atau tempoh pemenjaraan tidak melebihi enam bulan atau kedua-duanya bagi kesalahan itu.

**39.** Mana-mana orang yang melakukan kesalahan di bawah Akta ini yang baginya tiada penalti diperuntukkan secara khusus boleh, apabila disabitkan, didenda tidak melebihi lima ribu ringgit atau dipenjarakan selama tempoh tidak melebihi enam bulan atau kedua-duanya.

Kesalahan am.

**40.** Tiada seorang pun atau tiada seorang pun anggota sesuatu jawatankuasa yang dilantik oleh Menteri di bawah Akta ini atau mana-mana pegawai, pengkhidmat atau ejennya boleh didakwa di mana-mana mahkamah bagi apa-apa perbuatan yang dilakukan olehnya dengan suci hati dan dalam perjalanan apa-apa kuasa atau pelaksanaan apa-apa kewajipan di bawah Akta ini.

Perlindungan bagi orang dilantik, anggota jawatankuasa, dll.

**41.** (1) Menteri boleh mengecualikan mana-mana orang daripada semua atau mana-mana peruntukan Akta ini apabila berpuas hati bahawa terdapat hal keadaan khas untuk berbuat sedemikian.

Kuasa am Menteri.

(2) Tertakluk kepada peruntukan Akta ini dan mana-mana peraturan yang dibuat di bawahnya, Menteri adalah pihak berkuasa yang muktamad berhubung dengan sukan dan perkara yang berhubung dengan sukan.

Peruntukan  
peralihan.

*Akta 335.*

**42.** (1) Semua permohonan untuk pendaftaran sebagai pertubuhan yang menjalankan aktiviti yang hanya boleh dijalankan oleh suatu badan sukan dan semua permohonan untuk kelulusan oleh persatuan sedemikian di bawah Akta Pertubuhan 1966 yang belum selesai pada tarikh mula berkuatkuasanya Akta ini hendaklah, pada tarikh itu, terhenti diuruskan di bawah Akta itu dan hendaklah diuruskan di bawah peruntukan Akta ini.

(2) Apa-apa prosiding atau kausa tindakan yang belum selesai atau yang wujud sebelum sahaja tarikh mula berkuatkuasanya Akta ini di bawah Akta Pertubuhan 1966 boleh diteruskan atau dimulakan di bawah Akta itu seolah-olah Akta ini telah tidak diperbuat.

(3) Akta ini tidaklah menjejaskan liabiliti mana-mana orang untuk didakwa atau dihukum bagi kesalahan yang dilakukan di bawah Akta Pertubuhan 1966 sebelum tarikh mula berkuatkuasanya Akta ini, atau apa-apa prosiding yang dibawa atau hukuman yang dikenakan sebelum tarikh itu berkenaan dengan kesalahan itu.

Pencegahan  
anomali.

**43.** (1) Menteri boleh, melalui perintah, membuat apa-apa ubahsuaian dalam peruntukan Akta ini yang didapatinya perlu atau suaimanfaat bagi maksud menghapuskan apa-apa kesulitan yang disebabkan oleh mula berkuatkuasanya Akta ini:

Dengan syarat bahawa Menteri tidak boleh menjalankan kuasa yang diberikan oleh seksyen ini selepas habis tempoh dua tahun dari tarikh mula berkuatkuasanya Akta ini.

(2) Dalam seksyen ini, "ubahsuaian" termasuklah pindaan, tambahan, pemotongan, penggantian, adaptasi, variasi, pengubahan dan ketakpakaian mana-mana peruntukan Akta ini.

JADUAL PERTAMA

(seksyen 2)

Aktiviti yang berikut adalah dikira sebagai sukan bagi maksud Akta ini:

1. Memanah
2. Olahraga
3. Sukan Air
4. Sukan Bermotor
5. Badminton
6. Bola Keranjang
7. Biliard dan Snuker
8. Bina Badan
9. Boling
10. Tinju
11. Kriket
12. Lumba Basikal
13. Sukan Ekuestrian
14. Lawan Pedang
15. Bola Sepak
16. Golf
17. Gimnastik
18. Bola Baling
19. Hoki
20. Judo
21. Karate Do
22. Boling Padang
23. Bola Jaring
24. Ragbi
25. Sepak Takraw
26. Menembak
27. Silat Olahraga

24 *Rang Undang-Undang*

28. Tenis Ringan
29. Sofbol
30. Skuasy
31. Pingpong
32. Tae kwan do
33. Tenis
34. Bola Tampar
35. Luncur Air
36. Angkat Berat
37. Gusti
38. Wushu
39. Kapal Layar

JADUAL KEDUA

(seksyen 19)

PERLEMBAGAAN DAN KAEDAH-KAEDAH BADAN  
SUKAN YANG BERTINDAK SEBAGAI BADAN  
PENGELOLA ATAU PEWAKILAN BAGI SUKANNYA  
DI PERINGKAT KEBANGSAAN

Perkara-perkara yang berikut hendaklah diperuntukkan dalam perlembagaan atau kaedah-kaedah:

1. Badan sukan hendaklah mempunyai tujuan dan matlamat yang berikut:
  - (a) untuk menggalakkan dan membangunkan sukannya;
  - (b) untuk mengekalkan hubungan baik dan kedudukan baik dengan badan pengelola dan pengawalseliaan antarabangsa bagi sukannya;
  - (c) untuk memastikan bahawa perlembagaan dan kaedah-kaedahnya dipatuhi dan diikuti oleh semua anggotanya; dan
  - (d) untuk mengawal dan menjalankan bidang kuasa ke atas semua aktiviti berhubung dengan sukannya di Malaysia dan oleh wakil Malaysia di luar negara.
2. Aktivitinya dijalankan tanpa ada diskriminasi tentang jantina, ras, warna kulit, agama, asal usul, bahasa, kecenderungan politik atau apa-apa pandangan lain yang dipegang oleh anggotanya.

3. Prosedur pemilihan bagi ahli sukan, pegawai, jurulatih dan mana-mana orang lain untuk mewakili Malaysia dalam sukannya adalah terbuka dan adil.

4. Akaun sepenuhnya yang teraudit serta laporan tentang segala aktiviti dan penggunaan dan perbelanjaan semua wangnya bagi tahun kewangannya yang sebelumnya dikemukakan kepada Pesuruhjaya beserta dengan apa-apa laporan lain yang dikehendaki oleh Pesuruhjaya.

JADUAL KETIGA

(seksyen 19)

PERLEMBAGAAN DAN KAEDAH-KAEDAH  
BADAN SUKAN YANG LAIN DI BAWAH  
AKTA INI

Perkara-perkara yang berikut hendaklah diperuntukkan dalam perlembagaan atau kaedah-kaedah:

1. Badan sukan hendaklah mempunyai tujuan dan matlamat yang berikut:

- (a) untuk menggalakkan dan membangunkan sukannya;
- (b) untuk mengekalkan hubungan baik dan kedudukan baik dengan semua badan pengelola dan pengawalseliaan antarabangsa bagi sukannya; dan
- (c) untuk memastikan bahawa perlembagaan dan kaedah-kaedahnya dipatuhi dan diikuti oleh semua anggotanya.

2. Aktiviti dijalankan tanpa ada diskriminasi tentang jantina, ras, warna kulit, agama, asal usul, bahasa, kecenderungan politik atau apa-apa pandangan lain yang dipegang oleh anggotanya.

3. Akaun sepenuhnya yang teraudit serta laporan tentang segala aktiviti dan penggunaan dan perbelanjaan semua wangnya bagi tahun kewangannya yang sebelumnya dikemukakan kepada Pesuruhjaya beserta dengan apa-apa laporan lain yang dikehendaki oleh Pesuruhjaya.

---

HURAIAN

Rang Undang-Undang ini bertujuan membuat peruntukan dalam undang-undang untuk menggalakkan dan memudahkan pembangunan dan pentadbiran sukan di Malaysia.

## BAHAGIAN I

2. Bahagian I memperkatakan perkara-perkara permulaan.

*Fasal 1* memperkatakan tajuk ringkas, pemakaian dan mula berkuatkuasanya Akta yang dicadangkan ini. Di bawah *fasal* yang dicadangkan itu, Menteri boleh melantik tarikh yang berlainan bagi mula berkuatkuasanya peruntukan yang berlainan dalam Akta yang dicadangkan.

*Fasal 2* memperkatakan takrif. Antara istilah yang ditakrifkan ialah "pemegang jawatan", "sukan", "aktiviti sukan" dan "badan sukan".

## BAHAGIAN II

3. Bahagian II memperkatakan pembangunan sukan.

*Fasal 3* memberi Menteri kuasa untuk mengeluarkan garis panduan berhubung dengan pembangunan sukan tetapi garis panduan tidak boleh dikeluarkan jika sudah ada garis panduan antarabangsa tentang perkara itu.

*Fasal 4* dan *5* bertujuan menyelaraskan aktiviti sukan tertentu yang dijalankan oleh agensi kerajaan dan juga bukan kerajaan.

*Fasal 6* bertujuan mengulang peranan Majlis Sukan Negara sebagai badan penyelaras untuk membangunkan sukan.

*Fasal 7* memperkatakan pembangunan sains sukan dan ke arah ini Menteri boleh memberikan apa-apa bantuan yang difikirkannya perlu.

## BAHAGIAN III

4. Bahagian III memperkatakan Majlis Olimpik Malaysia.

*Fasal 8* menyatakan peranan Majlis Olimpik Malaysia.

*Fasal 9* menyatakan bahawa Akta yang dicadangkan terpakai bagi Majlis Olimpik Malaysia.

## BAHAGIAN IV

5. Bahagian IV memperkatakan pentadbiran Akta yang dicadangkan.

*Fasal 10* memperkatakan pelantikan Pesuruhjaya dan pegawai-pegawai lain.

*Fasal 11* mengadakan peruntukan bagi kuasa Pesuruhjaya.

*Fasal 12* memperkatakan kuasa Pesuruhjaya untuk menghendaki pendedahan maklumat.

*Fasal 13* memperkatakan kuasa-kuasa tambahan Pesuruhjaya.

*Fasal 14* bertujuan membolehkan Menteri memberi Pesuruhjaya arahan-arahan yang tidak tak konsisten dengan Akta yang dicadangkan.

## BAHAGIAN V

6. Bahagian V memperkatakan pendaftaran dan penyeliaan badan sukan.

*Fasal 15* bertujuan menghendaki badan sukan memohon supaya didaftarkan untuk menjalankan aktiviti di bawah Akta yang dicadangkan.

*Fasal 16* memperkatakan badan sukan yang sedia ada dan didaftarkan di bawah Akta Pertubuhan 1966.

*Fasal 17* memperkatakan pendaftaran badan sukan.

*Fasal 18* mengadakan peruntukan bagi pengeluaran perakuan pendaftaran oleh Pesuruhjaya.

*Fasal 19* mengadakan peruntukan bagi alasan untuk keengganan mendaftarkan.

*Fasal 20* memperkatakan pembatalan atau penggantungan pendaftaran badan sukan.

*Fasal 21* bertujuan memperuntukkan ruang bagi rayuan oleh badan sukan yang terkilan dengan keputusan Pesuruhjaya.

*Fasal 22* bertujuan membolehkan Menteri mengeluarkan arahan untuk meneruskan fungsi badan sukan dalam hal jika rayuan oleh badan sukan masih belum selesai.

*Fasal 23* menyatakan bahawa badan sukan mesti menyelesaikan pertikaianya mengikut prosedur dalaman yang ditetapkan.

*Fasal 24* memperkatakan perujukan pertikaian kepada Menteri.

*Fasal 25* memperkatakan akibat daripada keengganan untuk mendaftarkan, pembatalan atau penggantungan pendaftaran.

*Fasal 26* memperkatakan peraturan-peraturan berkenaan dengan badan sukan.

## BAHAGIAN VI

7. Bahagian VI memperkatakan Panel Penasihat Sukan.

*Fasal 27* memperkatakan penubuhan Panel Penasihat Sukan.

*Fasal 28* memperuntukkan pelantikan anggota Panel Penasihat Sukan.

*Fasal 29* memperkatakan kuasa Panel Penasihat Sukan untuk membuat syor kepada Menteri.

*Fasal 30* bertujuan membolehkan Panel Penasihat Sukan menghendaki mana-mana orang untuk mendedahkan maklumat.

*Fasal 31* bertujuan melindungi Panel Penasihat Sukan daripada apa-apa tindakan atau prosiding undang-undang.

*Fasal 32* mengadakan peruntukan bagi kuasa Menteri untuk membuat peraturan-peraturan berkenaan dengan Panel Penasihat Sukan.

## BAHAGIAN VII

8. Bahagian VII memperkatakan perkara-perkara pelbagai.

*Fasal 33* bertujuan melarang seseorang daripada membuat tawaran untuk menjadi tuan rumah bagi apa-apa pertandingan sukan antarabangsa di Malaysia tanpa kelulusan Menteri.

*Fasal 34* bertujuan menghendaki semua badan sukan mengikuti kaedah dan garis panduan antarabangsa yang diiktiraf.

*Fasal 35* melarang penggunaan nama "Sukan Malaysia" tanpa kelulusan Menteri.

*Fasal 36* bertujuan menghendaki sesuatu syarikat memohon untuk mendapatkan lesen untuk terlibat dalam apa-apa aktiviti sukan.

*Fasal 37* memperuntukkan bahawa Menteri boleh meminda Jadual melalui perintah.

*Fasal 38* memperkatakan kuasa Menteri untuk membuat peraturan-peraturan am.

*Fasal 39* memperkatakan kesalahan am.

*Fasal 40* bertujuan melindungi tindakan pegawai, pengkhidmat, dll. yang dilakukan dengan suci hati daripada guaman undang-undang.

*Fasal 41* memperkatakan kuasa am Menteri, termasuklah kuasa untuk mengecualikan.

*Fasal 42* memperkatakan peruntukan peralihan.

*Fasal 43* bertujuan membenarkan Menteri membetulkan apa-apa anomali dalam Akta yang dicadangkan melalui perintah.

*IMPLIKASI KEWANGAN*

Rang Undang-Undang ini akan melibatkan Kerajaan dalam perbelanjaan wang tambahan yang amaunnya belum dapat ditentukan sekarang ini. [PN. (U<sup>2</sup>) 1954.]